

ԿԱՌԱՎԱՐՄԱՆ ՄԱՐՄԻՆՆԵՐԻ ՏԱՐԵԿԱՆ ԶԵԿՈՅՑ

Ֆինանսական և ոչ ֆինանսական հիմնական ցուցանիշներ

«Տելեկոմ Արմենիա» ԲԲԸ-ն (ապրանքանիշը՝ Team Telecom Armenia) 2023թ-ին հիմնական ուղղություններով արձանագրել է զգալի աճ:

Շարժական կապ

Ընկերության շարժական կապի բաժանորդների թիվը 2023թ.-ին կազմել է 1,044,939 բաժանորդ, աճելով նախորդ տարվա նկատմամբ 9%-ով կամ 86,646 բաժանորդով: Մասնավորապես, զգալիորեն աճել է հեռախոսի միջոցով շարժական ինտերնետ օգտագործող բաժանորդների թիվը՝ 660,731: 2022 թ.-ի համեմատ արձանագրվել է աճ 11.5%-ով:

2023 թ.-ի տվյալների համաձայն ընկերությանը բաժին է ընկնում ՀՀ շարժական կապի շուկայի բաժանորդների 25.6%-ը նախորդ տարվա 24.7% -ի փոխարեն:

2023 թ.-ին շարժական կապի ծառայությունների մատուցումից և սարքավորումների իրացումից ստացված եկամուտները 2022 թ.-ի համեմատ աճել են 1.6%-ով և կազմել 19.4 մլրդ դրամ: «Տելեկոմ Արմենիա»-ին 2023թ.-ին բաժին է ընկել ՀՀ շարժական կապի շուկայի եկամուտների 20.8%:

Ընկերությունը, հավատարիմ մնալով իր որդեգրած քաղաքականությանը, 2023թ.-ին շարունակեց տրամադրել իր բաժանորդներին որակյալ կապ՝ առաջարկելով հարմարավետ փաթեթներ և նոր ծառայություններ:

Հիմնական առաջարկները ուղղված էին համակցված փաթեթների օգտագործողների քանակի ներթափանցելիության աճին և առաջխաղացմանը, շարժական ինտերնետի որակյալ ծառայությունների մատուցմանը:

2023 թ.-ի ընթացքում բջջային ծառայությունների որակի շարունակական բարձրացման նպատակով իրականացվել են ցանցի վերազինման աշխատանքներ՝ թվով 34 բջջային կայաններում: Տարվա վերջի դրությամբ 3G կայանների ընդհանուր քանակը 1024 է, որոնցից 880-ը մակրո բջջային կայաններ են:

Նախորդ տարվա վերջում ընկերությունը ձեռք բերեց նոր հաճախականային տիրույթ՝ մատուցված ծառայությունների որակը և ծավալը մեծացնելու նպատակով: Ընկերությանը հատկացված հաճախականային տիրույթը ներկայացված է ստորև.

ԿԵԿՈՍ Է ՏԱՐԵԿԱԸ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Band	Frequency	Bandwidth	Allocated spectrum range
Band 1 (2100 MHz)		30 MHz	UL: 1965 MHz – 1980 MHz ($\Delta = 15$ MHz)
			DL: 2155 MHz – 2170 MHz ($\Delta = 15$ MHz)
Band 3 (1800 MHz)		60 MHz	UL: 1735 MHz – 1765 MHz ($\Delta = 30$ MHz)
			DL: 1830 MHz – 1860 MHz ($\Delta = 30$ MHz)
Band 8 (900 MHz)		25 MHz	UL: 890.0 MHz – 902.5 MHz ($\Delta = 12.5$ MHz)
			DL: 935.0 MHz – 947.5 MHz ($\Delta = 12.5$ MHz)
Band 28 (700 MHz)		40 MHz	UL: 713 MHz – 733 MHz ($\Delta = 20$ MHz)
			DL: 768 MHz – 788 MHz ($\Delta = 20$ MHz)
Band 31 (450 MHz)		7.5 MHz	UL: 463.35MHz – 467.1MHz
			DL: 453.35MHz – 457.1MHz

Team Telecom Armenia-ն առաջինը ինտերնետ և հեռախոսակապ ապահովեց Արցախից բռնի տեղահանվածներին, տրամադրելով հատուկ սակագնային փաթեթ 6 ամիս ժամկետով 1 դրամ ամսեկան վճարով, զուգահեռաբար «Ղարաբաղ Տելեկոմի» բոլոր բաժանորդները հնարավորություն ունեցան օգտվել Ընկերության շարժական կապի բոլոր ծառայություններից՝ պահպանելով իրենց 097 կոդով հեռախոսահամարները:

Առաջինը Հայաստանում Ընկերությունը 2023թ.-ին գործարկեց նորարարական Team Energy նախագիծը, որտեղ հատվում են հեռահաղորդակցությունը, տեխնոլոգիան և էկոլոգիան: Այս նախագիծը հնարավորություն է տալիս խթանել և հեշտացնել էլեկտրական մեքենաների օգտագործումը Հայաստանում՝ զգալիորեն կրճատելով օդի աղտոտվածությունը և տրանսպորտային ծախսերը:

Team Energy էլեկտրական մեքենաների լիցքավորման կայանների ցանցն արդեն հասանելի է ՀՀ ողջ տարածքում: Իսկ հավելվածի միջոցով հնարավոր է գտնել մոտակա լիցքավորման կետերը, կատարել լիցքավորում և վճարել բանկային քարտի միջոցով, իսկ Team Telecom Armenia-ի բաժանորդ լինելու դեպքում՝ նաև Team-ի հեռախոսահամարի հաշվեկշից:

Ամրակցված կապ

2023 թ.-ին «Տելեկոմ Արմենիա»-ն ամրակցված կապի ծառայությունների մատուցումից և սարքավորումների իրացումից ստացել է 12.6 մլրդ դրամ եկամուտ:

ԿՑՎՈՒՄ Է ՏԱՐԵՎԱԸ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Ամրակցված ինտերնետի բաժանորդների թիվը 2023 թ.-ի դրությամբ 94.8 հազար է, ինչը 2%-ով ավել է 2022 թ.-ից:

2023 թ.-ի արդյունքում «Տելեկոմ Արմենիա»-ին բաժին է ընկնում ամրակցված ինտերնետի շուկայի բաժանորդների 32.1%-ը, նաև ամրակցված ինտերնետի ծառայություններից ստացված շուկայի եկամուտների 23.1%-ը:

Առաջնահերթություն տալով համայնքների զարգացմանը մենք ելքակառուցվածքի արդիականացումը և ցանցի կառուցումը սկսել ենք մարզերից. հետևողական, նվիրված ու թիմային աշխատանքի շնորհիվ 25 ԳԲ/վ թողունակությամբ NGN ցանցն արդեն կառուցված է Սյունիքի մարզի բոլոր մեծ քաղաքներում և հասանելի է մարզի շուրջ 21 000 տնային տնտեսության:

Գերարագ կապից արդեն կարող են օգտվել նաև Ալավերդի, Արթիկ, Արմավիր, Արտաշատ, Բերդ, Բյուրեղավան, Գավառ, Եղվարդ, Իջևան, Հրազդան, Ճամբարակ, Մեծամոր, Ջերմուկ, Սևան, Սպիտակ և Վարդենիս մարզային խոշոր քաղաքներում ու մի շարք գյուղերում: Երևանում այն հասանելի է Դավթաշեն, Արաբկիր, Ավան և Զեյթուն վարչական շրջաններում:

Տարածաշրջանում եզակի այս ցանցի առկայությունը կօգնի տեխնոլոգիական, ֆինանսաբանակային և տնտեսության մյուս ճյուղերի զարգացմանը, իսկ անհատներին արագ ու հուսալի կերպով կկապի աշխարհին:

Տարեվերջի դրությամբ ԸՆկերության FTTH կապի ծածկույթով ապահովված է 225հազար Տնային տնտեսություն:

«Տելեկոմ Արմենիա» ԲԲԸ-ի ռազմավարական ծրագրերը կենտրոնացված են Հայաստանի ողջ տարածքում բջջային և ֆիքսված ամենաժամանակակից ցանցերի կառուցման վրա, ապահովում են բաժանորդների թվի և եկամտի կայուն աճ:

Իրականացվել է ամպային տարածության ավելացում, տեղադրվել են լրացուցիչ սերվերներ և պահոց, գործարկվել է մշտադիտարկման գործիք՝ որպես Cloud ծառայություն: Հաճախորդներն այժմ հնարավորություն ունեն տեղեկատվություն ստանալ իրենց վիրտուալ սերվերների մասին:

Հեռուստատեսային ծառայությունների տրամադրման ընդլայնման համար տեղադրվել է նոր արբանյակային ընդունիչ, վերակազմավորվել են որոշ հեռուստաալիքներ: Ներդրվել է ավելի մեծ ծավալով VOD բովանդակային պահոց:

Ավելացրել ենք նոր ներկայացուցչական կետեր Ֆրանսկֆուրտի և Ամստերդամի տվյալների կենտրոնում, ինչպես նաև գործարկել ենք նոր Երևան -Մոսկվա - Ֆրանսկֆուրտ 100 գեգաբայթ թողունակությամբ ռեգերվային կապուղին՝ ինտերնետի ավելի հուսալի, որակյալ ու անխափան աշխատանքի համար:

ԿՑՎՈՒՄ Է ՏԱՐԵԿԱՆ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Անցում Բաց Բաժնետիրական Ընկերության

«Տելեկոմ Արմենիա» ԲԲԸ-ն դարձավ հեռահաղորդակցության ոլորտի առաջին ընկերությունը Հայաստանում, որի բաժնետոմսերն առաջնային հրապարակային տեղաբաշխման միջոցով ցուցակվեցին ֆոնդային բորսայում: Տեղաբաշխվեց 8 միլիարդ 240 միլիոն դրամ ընդհանուր արժողությամբ 40 միլիոն բաժնետոմս, ինչի արդյունքում Տելեկոմ Արմենիա-ի բաժնետերերի թիվն ավելացավ 1000-ով:

Ընկերության բաժնետերեր են դարձել հարյուրավոր ֆիզիկական ու իրավաբանական անձինք, էական ծավալի ներդրումներ են իրականացրել ինստիտուցիոնալ ներդրողները: Վերջիններից է «Ամունդի-Ակբա Ասեթ Մենեջմենթ» ընկերությունը, որն իր առաջին ուղղակի ներդրումն է կատարել հայաստանյան բաժնետոմսերում: Այս գործարքի շնորհիվ ֆոնդի մոտ 400 հազար շահառու անուղղակի կերպով դարձել է «Տելեկոմ Արմենիա» ԲԲԸ-ի բաժնետեր: «Ամունդի-Ակբա Ասեթ Մենեջմենթ» -ի ներդրումը կազմել է տեղաբաշխվող բաժնետոմսերի ընդհանուր ծավալի 20%-ը, որը համարժեք է 1 միլիարդ 648 միլիոն ՀՀ դրամին:

Ներգրավված միջոցներն ընկերությունը մտադիր է ուղղել Հայաստանի ողջ տարածքում օպտիկամանրաթելային NGN ցանցի ընդլայնմանը, 5G բջջային ցանցի գործարկմանը և միջազգային նոր կապուղիների ակտիվացմանը: Աշխատելով թվային տեխնոլոգիաների ոլորտում՝ Ընկերությունը նաև մեծ ուշադրություն է դարձնում ժամանակակից թվային գործիքների ու լուծումների ներդրմանը և այլ հավակնոտ ծրագրերի իրականացմանը:

Առաջարկվող բաժնետոմսեր	«Ա» դասի հասարակ բաժնետոմսեր
Մեկ բաժնետոմսին տրվող ձայների քանակ	1 ձայն
Բաժնետոմսերի քանակ	40,000,000 հատ
Մեկ բաժնետոմսի գին	206 ՀՀ դրամ
Առաջարկի ընդհանուր ծավալ	8,240,000,000 ՀՀ դրամ
Տեղաբաշխման ժամկետ	Հունիսի 7 – հոկտեմբերի 31
Տեղաբաշխող	Ամերիաբանկ ՓԲԸ

Կառավարման միջազգային ստանդարտներ

«Տելեկոմ Արմենիա» ԲԲԸ-ի ռազմավարության հիմնական բաղադրիչներից մեկը **կառավարման միջազգային ստանդարտների ներդրումն է** ոլորտի լավագույն չափանիշների պահպանման, պրոֆեսիոնալիզմի բարձր մակարդակի և շարունակական բարելավման

ԿԵԿՈՍ Է ՏԱՐԵԿԱՆ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Լպատակով: Այս ուղղությամբ առաջին քայլը արվեց 2023 թ **ISO/IEC 27001:2013** միջազգային ստանդարտի պահանջներին համապատասխանության հավաստագրմամբ:

«CERT International» s.r.o. հավաստագրման մարմինը 17.05.2023թ.-ից 14.06.2023թ.-ի ընկերության գլխամասային և ՀՀ տարածքում գտնվող բոլոր մասնաճյուղերի ատոմիտի արդյունքներով որոշում կայացրեց «Տելեկոմ Արմենիա» ԲԲԸ-ին ISO/IEC 27001:2013 միջազգային ստանդարտի պահանջներին համապատասխանության վկայական տրամադրելու վերաբերյալ:

Ատոմիտի շրջանակներում ստուգվել են ֆիզիկական և տեղեկատվական անվտանգությանը վերաբերող բոլոր գործընթացները, այդ թվում, վերապատրաստման, գնումների, ցանցային անվտանգության կառավարման և այլ գործընթացներ:

Առաջիկայում պլանավորվում է նաև ISO 9001:2015 որակի և ISO 14001 բնապահպանական կառավարման համակարգերի հավաստագրերի ստացումը:

Վերջինիս ներդրմամբ Ընկերությունն ապահովում է իր գործունեության ընթացքում անհրաժեշտ ռեսուրսների ձեռքբերման և օգտագործման արդյունավետությունը, անթափոն կամ սակավաթափոն պրակտիկաների և տեխնոլոգիաների ներդրումը, ինչն իր հերթին ապահովում է շրջակա միջավայրի պահպանությունը, անվտանգ աշխատանքային միջավայրն ու բիզնեսի կայուն զարգացումը:

Ընկերության կայուն զարգացման վերաբերյալ հանձնառությունը նաև արտացոլված է Ընկերության պաշտոնական կայք էջում և հասանելի է հետևյալ հղմամբ՝ <https://www.telecomarmenia.am/hy/sustainable-development/>

Բնապահպանական և սոցիալական ստանդարտների փաստաթղթային շրջանակ

Ինչպես նշվեց վերը, Ընկերությունն իր գործունեությունն իրականացնելիս առաջնորդվում է ոչ միայն շրջակա միջավայրի, սոցիալական պատասխանատվության և աշխատանքային անվտանգության ապահովման վերաբերյալ ՀՀ ներպետական օրենսդրությամբ, այլև սկսած 2022թվականից մշակել և ներդրել է ՎՉԵԲ և ՄՖԿ Կատարողական Ստանդարտներին համահունչ գործառնական համակարգ, որի ներքո գործում է հետևյալ փաստաթղթային շրջանակը՝

1. Բնապահպանական և Սոցիալական Կառավարման Պլան
2. ԲՍԿՀ ՉՆՆՄԱՆ ընթացակարգ և Ռիսկերի գրանցամատյան
3. Շահառուների ներգրավման պլան
4. Մտահոգությունների բարձրաձայնման Speak Up հարթակ (բողոքարկման մեխանիզմի և չհետապնդելու քաղաքականություն)
5. Բիզնես գործընկերների Վարքագծի կանոնակարգ և Կոմպլայենսի դրույթներ
6. Բիզնես Գործընկերների Ստուգման ընթացակարգ
7. Կաշառակերության և կոռուպցիայի կանխարգելման քաղաքականություն
8. Սեռական ոտնձգությունների բացառման քաղաքականություն
9. Անչափահասների աշխատանքի կանխարգելման քաղաքականություն

ԿԵԿՈՍ Է ՏԱՐԵԿԱՆ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

10. Հարկադիր աշխատանքի բացառման քաղաքականություն
11. Աշխատավորների միությունների խրախուսման քաղաքականություն
12. Գեղեցիկ խտրականությունների բացառման քաղաքականություն
13. Համայնքների անվտանգության և առողջության պահպանման քաղաքականություն
14. Աշխատանքային անվտանգության և առողջության ապահովման քաղաքականություն և կառավարման պլան (ներառյալ ուսուցման, հետաքննությունների անցկացման կարգեր)
15. Ճանապարհային երթևեկության անվտանգության ապահովման քաղաքականություն
16. Անվտանգության կառավարման պլան
17. Արտակարգ իրավիճակների պատրաստվածության և արձագանքման պլան

Վերոնշյալ փաստաթղթային շրջանակը վերանայվում և բարեփոխումների է ենթարկվում է տարեկան կտրվածքով, իսկ ոլորտի խնդիրների բացահայտման կամ արտակարգ իրավիճակների առաջացման դեպքում նաև ըստ անհրաժեշտության: Ընկերության բոլոր ստորաբաժանումների ղեկավարները և աշխատակիցները առանձնացված կամ համատեղված գործառույթներով ներառված են վերոնշյալ գործառնական համակարգի իրականացման ողջ գործընթացում:

Տարեկան բնապահպանական ցուցանիշների ամփոփ

Ածխածնային արտանետումներ (CO2) և էներգաարդյունավետություն

2023թ.-ի ընթացքում Ընկերությանը պատկանող շինությունները վերազինվել են թվով 8 արևային ֆոտովոլտային կայաններով, ինչի շնորհիվ արևային արտադրանքի մասնաբաժինը ընդհանուր էներգասպառման մեջ ավելացել է՝ նախորդ տարիների 0.21%-ից հասնելով 3%, մինևույն ժամանակ գրանցելով շուրջ 7% աճ նախորդ տարվա նկատմամբ:

Ընկերությունը շարունակում է այլընտրանքային էներգիայի աղբյուրների ներդրման գործընթացը նպատակ ունենալով հնարավորինս նվազեցնել ավանդական էներգիայի աղբյուրների և դրանով պայմանավորված ածխածնային արտանետումների ծավալը: Մարդատար մեքենաների ավտոպարկում էլեկտրական մեքենաների մասնաբաժինը 2023թ.-ին կազմել է 14%՝ նույնքանով նվազեցնելով վառելիքի այրման արդյունքում արտանետվող ածխածնային արտանետումները: Ընկերության վարչական գրասենյակներում շարունակվում է էներգաարդյունավետ լուսավորության անցկացումը:

ՀՀ մարզերում պղնձե մալուխների օպտիկամանրաթելային ցանցի մալուխներով փոխարինելու արդյունքում Ընկերությունը չի արտանետել 215 tCO2 ածխածնի երկօքսիդ, մինևույն ժամանակ նվազեցնելով նախորդ տարվա ածխածնային արտանետումները շուրջ 0.3%-ով: Հարկ է նշել, որ վերոնշյալ խնայողությունները կատարվել են Ընկերության գործունեության ընդլայնմանն ու ակտիվ տեխնիկական վերազինմանը զուգընթաց՝ ապահովելով կայուն աճ:

Թափոնների կրճատում և Նյութերի շրջանառու համակարգ

2023թ. ընթացքում Ընկերության գրասենյակային թղթի վերամշակման ծավալներն աճել են 36%-ով՝ կազմելով 3600 կգ նախորդ տարվա 2300 կգ նկատմամբ: Մինևսույն ժամանակ կնքվել է համագործակցության հուշագիր Երևանի քաղաքապետարանի հետ՝ Ընկերությունում առաջացող կենցաղային նշանակության ստվարաթղթի տեղափոխման և վերամշակման վերաբերյալ: Շնորհիվ ներդրված E-sim և E-pen տեխնոլոգիաների տարվա ընթացքում հնարավոր է եղել խուսափել 586 կգ պլաստիկ առաջացումից, որը նախորդ տարվա ցուցանիշի նկատմամբ աճել է 57%-ով: Նյութերի շրջանառու համակարգի ներդրմամբ կրկնօգտագործման է հանձնվել 11,408 կգ մետաղյա ջարդոն՝ 20%-ով ավելի նախորդ տարվա նկատմամբ, ինչպես նաև 34.41 խմ փայտանյութ՝ 79%ով ավելի նախորդ տարվա նկատմամբ: Թվով 14,146 հեռահաղորդակցության սարքեր վերանորոգվել, արդիականացվել և կրկնօգտագործվել են:

Բնապահպանական նախաձեռնություններ և իրազեկվածության բարձրացում

2023թ. ընթացքում Տելեկոմ Արմենիա ԲԲԸ-ն միացել է բնապահպանական օրացույցի թվով երկու ամենակարևոր միջոցառումներին՝ ապրիլի 22-ին նշվող Երկրի օրվան և հունիսի 5-ին նշվող Շրջակա միջավայրի պահպանության միջոցառումներին:

Վերոնշյալ օրերին Ընկերության արտաքին և ներքին լսարանի համար կազմակերպվել են բնապահպանական իրազեկվածության բարձրացմանն ուղղված նախաձեռնություններ՝ հանրության ուշադրությունը սևեռելով Երկրի հիմնական բնապահպանական մարտահրավերներին և դրանց լուծման եղանակներին:

Աշխատանքի անվտանգություն և առողջության պահպանում


Ընկերության աշխատակիցների շրջանում հաշվետու տարվա ընթացքում՝

- մահվան ելքով պատահարներ չեն գրանցվել
- սննդով պայմանավորված թունավորումներ չեն գրանցվել
- համաճարակային իրավիճակներ չեն գրանցվել
- ԷՄԴ ճառագայթման դեպքեր չեն գրանցվել

Ստահոգությունների բարձրաձայնման Speak UP հարթակով ստացվել է թվով 4 բողոք տարբեր շահառուներից, որոնք դիտարկվել և քննարկվել են ըստ գործող ընթացակարգի և խնդիրներին տրվել են համապարփակ լուծումներ: Բողոքների կրկնման դեպքեր հաշվետու տարում չեն գրանցվել:

ԿՑՎՈՍ Է ՏԱՐԵԿԱՆ ՖԻՆԱՆՍԱԿԱՆ շԱՐՎԵՏՎՈՒԹՅԱՆԸ

Հաճախորդների գոհունակության ապահովում



Հավատարիմ մնալով նորագույն թվային տեխնոլոգիաների միջոցով մարդկային շփումն ու աշխատանքն ավելի հասանելի և հարմար դարձնելու իր առաքելությանը՝ ընկերությունը հատուկ ուշադրություն է դարձնում հաճախորդների փորձառությանը շփման բոլոր կետերում:

Որպես այս ուղղությամբ իր գործադրած ջանքերի արդյունավետության գնահատման ցուցանիշ, ընկերությունը մշտապես հետևում է հաճախորդների առաջխաղացման ինդեքսին՝ Net Promoter Score (NPS):

Հաճախորդների գոհունակության մակարդակը գնահատվում է տարբեր ուղղություններով, ինչպիսիք են ցանցի որակը, գնային քաղաքականությունը, կոմերցիոն առաջարկները, գանգերի կենտրոնում և սպասարկման սրահներում սպասարկման որակը և այլն:

2023թ.-ին իրականացված NPS հարցման արդյունքներով Team Telecom Armenia-ն, ոչ միայն պահպանել այլև նախորդ ժամանակաշրջանի համեմատ 0.3 տոկոսային կետով բարելավել է NPS գնահատականը, մինչդեռ մրցակից ընկերությունները NPS-ի նվազում են ունեցել:

Այլ կարևոր իրադարձություններ

2023թ.-ին նորովի ներկայացրեցինք BeFree Անլիմիթ փաթեթները, որ դուք ունենաք անսահմանափակ ինտերնետ՝ անհնարին սահմանները ջնջելու համար:

Բարելավեցինք մեր COSMO փաթեթները՝ ավելացնելով հավելյալ 3 SIM քարտի ձեռքբերման հնարավորություն գեղջված գևով:

Գործարկեցինք Team Energy արագ լիցքավորման կայանները Հայաստանի ողջ տարածքում, որպեսզի էլեկտրական մեքենաների լիցքավորումն ու դրա դիմաց վճարումը այլևս խնդիր չլինի ձեզ համար:

Գործարկեցինք GEFORCE GAMES ծառայությունը, որպեսզի կարողանաք խաղալ ցանկացած վայրում ցանկացած սարքի վրա՝ որակյալ ինտերնետով: Բոլոր տոներին առաջարկեցինք հետաքրքիր նվերներ գնել Team-ից ձեր սիրելիներին ու ստանալ հաճելի անակնկալ:

ԿՑՎՈՒՄ Է ՏԱՐԵԿԱՆ ՖԻՆԱՆՍԱԿԱՆ ՀԱՇՎԵՏՎՈՒԹՅԱՆԸ

Առաջարկեցինք դիտել ձեր սիրած ֆիլմերն ու հաղորդումները TeamTV-ով՝ որակյալ հեռուստացույցով ու մեծ էկրանով:

Մեկնարկեցինք Team Unboxing վիդեո ֆորմատը, որում պատմում ենք ձեզ ամենաժամանակակից սմարթֆոնների ամենահետաքրքիր մանրամասները: